



Fidoyilik –
Vatanga xizmat demak!

Zarafshon

www.zarnews.uz
https://www.facebook.com/zarnews.uz
@zarnews_uz
https://twitter.com/zarnews_uz

Кун ҳикмати

Орзу-
ҳавасингизни
ҳадеб пеш
қилаверманг.
Авалло, унга
эришажак
имкониятингизни
баҳолаб кўринг.

1913-yil aprel oyidan chiqa boshlagan

zarafshonbot



Сайтимизга ўтиш учун QR-коднинг телефонингиз орқали сканер қилинг

2021-yil 13-aprel, seshanba, 43 (23.479)-son

Рамазон ойи муборак бўлсин!

Бугун, 13 апрелдан юртимизда эзгулик ва маънавий поклик, саховат ва меҳр-шафқат, қаноат ҳамда шукроналик рамзи бўлган муборак Рамазон ойи бошланди.

Ушбу кутлуг ойнанинг жамиятимиз ҳаётида тинчлик-барқарорлик, ўзаро ҳурмат ва ҳамжиҳатлик муҳитини янада мустаҳкамлаш, халқимизнинг диний-маънавий қадриятларини асраш ва ривожлантириш борасидаги аҳамияти ҳисобга олинган ҳолда ҳамда уни ҳар томонлама муносиб ўтказиш мақсадида яқинда давлатимиз раҳбарининг қарори қабул қилинди. Мазкур ҳужжатда бу муборак ойда амалга оширилиши керак бўлган вазифалар, эътибор қаратилиши лозим жиҳатлар белгиланган.

2020 йил пандемия сабабли масжидларда таровех намозларини жамоат билан адо этиш имконияти бўлмаган эди. Бу йил эса кечадан бошлаб вилоятимиздаги 288 масжидда таровех намози адо этилмоқда. Жумладан, 114 масжидда Хатми Қуръон бошланди.

Лекин ҳали юртимизда, умуман, дунёда коронавирус инфекцияси билан боғлиқ мураккаб вазият сақланиб тургани сабабли юрдошларимиздан карантин қоидаларига қатъий риоя этишларини сўраймиз. Масжидда ҳам намозхон биродарларимиз тиббий ниқобда бўлишлари, оралик ижтимоий масофа сақлашлари ва антисептик воситалардан фойдаланишлари лозим. Ифторлик маросимларини ҳам ўз оилалари

даврасида, яқинлари иштирокида ихчам тарзда ўтказишлари мақсадга мувофиқлигини эслатиб ўтмоқчимиз.

Рамазон ойининг фазилатлари ҳақида муқаддас китобларимизда, диний-маърифий суҳбатларда жуда кўп ибратли фикрлар баён этилган. Бундан халқимиз яхши хабардор. Шундай бўлса-да, бу муборак кунларда халқимизни, хусусан, ёшларимизни эзгу ишларга бошлаш ва турли ёмон йўللاردан қайтариш, улар қалбда меҳр-мурувват, бағрикенглик, шукроналик сингари ҳислат ва фазилатларни уйғотиш мақсадида Самарқанд телевидениеси орқали ҳар кун саҳарлик чоғида "Саҳарликда барака бор" ва ифторлик вақтида "Рамазон туҳфаси" номи диний-маърифий кўрсатув тайёрлаб эфирга узатиш режалаштирилган. Шунингдек, ҳар кун саҳарлик вақтида Zarnews.uz ва Sammuslim.uz телеграм каналлари орқали ҳам маърифий суҳбатлар халқимизга тақдим этилади.

Ўзбекистон мусулмонлари идорасининг Самарқанд вилоятидаги вақиллиги ва барча имом-хатиблар номидан вилоятимиз аҳлини кириб келган Рамазон ойи билан муборакбод этамиз. Аллоҳ таоло бу ойнинг фазилатларидан ҳар биримизни баҳраманд айласин!

Зайниддин ЭШОНҚУЛОВ,
вилоят бош имом-хатиби.

Рамазон ойи арафасида Пахтачи туманида "Хўжа Зиёвуддин", Иштихонда "Эшон Темирхон", Қўработда "Домла Камолиддин Охун" жоме масжидлари фойдаланишга топширилгани ҳам мўмин-мусулмонларга кутлуг ойда ажойиб туҳфа бўлди. Ушбу масканларнинг очилиш маросимларида Ўзбекистон мусулмонлари идораси раиси, муфтий Усмонхон Алимов, вилоят ва туманлар ҳокимлари, жамоатчилик вақиллари иштирок этди.

Рамазон кунлари	Апрель	Ҳафта кунлари	Саҳарлик вақтлари	Ифторлик вақтлари
1	13	Сешанба	04:37	19:13
2	14	Чоршанба	04:35	19:14
3	15	Пайшанба	04:34	19:15
4	16	Жума	04:32	19:16
5	17	Шанба	04:30	19:17
6	18	Якшанба	04:28	19:18
7	19	Душанба	04:26	19:19
8	20	Сешанба	04:26	19:20
9	21	Чоршанба	04:25	19:21
10	22	Пайшанба	04:24	19:23
11	23	Жума	04:22	19:24
12	24	Шанба	04:20	19:25
13	25	Якшанба	04:18	19:26
14	26	Душанба	04:17	19:27
15	27	Сешанба	04:15	19:28
16	28	Чоршанба	04:13	19:29
17	29	Пайшанба	04:11	19:30
18	30	Жума	04:10	19:31
19	1	Шанба	04:08	19:31
20	2	Якшанба	04:07	19:32
21	3	Душанба	04:04	19:33
22	4	Сешанба	04:02	19:34
23	5	Чоршанба	04:00	19:35
24	6	Пайшанба	03:59	19:36
25	7	Жума	03:57	19:37
26	8	Шанба	03:56	19:38
27	9	Якшанба	03:54	19:40
28	10	Душанба	03:53	19:41
29	11	Сешанба	03:51	19:42
30	12	Чоршанба	03:50	19:43

Рамазон тақвими (Самарқанд вақти билан)



САМАРҚАНДДА ПЕДАГОГИКА ИНСТИТУТИ Финляндия билан ҳамкорликда очилади

Мамлакатимиз раҳбари таклифи билан ўтган йили ноябрь ойидан Финляндия таълим тизими тажрибаси ўрганилмоқда. Шу кунларда эса "Ўзбекистон-Финляндия таълимнинг ҳамкорлик истиқболлари" мавзусида халқаро илмий-амалий форум ўтказилмоқда.

Навоий, Бухоро ва Самарқанд вилоятларида ташкил этилган форум доирасида "Rovio" компанияси директори, таълим инвестори Питер Вестербака ҳамда Финляндия таълим соҳаси вақиллари кеча Самарқанд давлат

университети ректори Р.Холмуродов ва "Ипак йўли" халқаро туризм университети биринчи проректори Ж.Элтазаровлар билан учрашди.

Учрашувда икки давлат ўртасидаги таълим тизими бўйича

ҳамкорлик натижалари ва истиқболдаги режалар хусусида сўз борди. Айни пайтда Финляндиялик бир гуруҳ педагоглар Навоий вилояти Зарафшон шаҳридаги мактабларда ўқувчиларга таълим берапти. Бундай тажриба яқин орада Самарқандда ҳам йўлга қўйилиши айтилди.

Финляндияда қайси таълим муассасаси энг яхши, деган саволга ҳамма бир хил "энг яқини" деб жавоб беради, - дейди Питер

Вестербака. - Сабаби, бизда ҳар бир ўқув даргоҳида таълим сифати белгиланган стандартларига мос келади. Ўзбекистонда ҳам яқин йиллар ичида ҳар бир мактаб, энг яхши таълим муассасаси деб эътироф этилишига ишонаман. Бунинг учун аввало, ўқитувчилар малакали бўлиши керак. Финляндиялик педагоглар улар билан ҳамкорликда ишлашга, яқиндан кўмак беришга тайёр. Учрашувда Самарқандда янги

педагогика институти Финляндия билан ҳамкорликда ташкил этилиши режалаштирилаётгани маълум қилинди.

Тадбир иштирокчилари Қорасув массивидаги 81-умумий ўрта таълим мактабида бўлиб, бу ерда ўқувчилар учун яратилган шароитлар билан танишди. Келгусида бу таълим муассасасида финляндиялик ўқитувчилар дас бериши айтилди.

Тўлқин СИДИҚОВ,
Бахтиёр МУСТАНОВ (фото).

Қайси таълим муассасаларида коронавирус аниқланди?

Кейинги кунларда ижтимоий тармоқларда вилоятимиздаги айрим таълим муассасалари ўқитувчи ва ўқувчиларида коронавирус аниқланиб, карантинга олингани, таълим жараёнлари масофавий шаклга ўтказилгани ҳақида хабарлар тарқалди.

Бу хабарларга ойдинлик киритиш мақсадида Самарқанд вилоят санитария-эпидемиологик осойишталик ва жамоат саломатлиги бошқармаси масъулларига мурожаат қилдик.

Бизга берилган маълумотларга кўра, жорий йилнинг 11 апрель ҳолатида вилоятимизда 18 нафар ўқитувчи ва 29 нафар ўқувчида «COVID-19» инфекцияси аниқланган.

Жумладан, Самарқанд шаҳридаги 34, 32, 35, 71, 12-умумий ўрта таълим мактабларида, шунингдек, Каттакўрғон туманидаги 50, 5, 13-мактабларда, Самарқанд туманидаги 4- ва Ургут туманидаги 26-умумтаълим мактаби ўқитувчи ва ўқувчиларида коронавирუსга чалиниш қайд этилган. Ушбу таълим муассасаларида дезинфекция тадбирлари ўтказилмоқда. Касалликка чалинган беморлар белгиланган тартибда даволанмоқда. Беморлар улар билан мулоқотда бўлганлардан лаборатория таҳлиллари олинди, текширилди. Касаллик аниқланган муассасалар масофавий ўқитиш усулига ўтказилди.

Кеча Тошкент ахборот технологиялари университети Самарқанд филиали ахборот хизмати ҳам мазкур таълим муассасасининг бир неча талаба ва



ўқитувчиларида коронавирус аниқланганлиги туфайли ушбу олийгоҳда таълим 12 апрелдан бошлаб 14 кун давомида масофавий шаклга ўтказилгани маълум қилди.

Юқоридагилардан келиб чиқиб, юрдошларимизни ҳушёрликка чақирамиз.

Ўзингиз ва ўзгалар саломатлигига бефарқ бўлманг!

Жамоат ҳамда иш жойларида тиббий ниқобдан фойдаланинг!
Ижтимоий масофани сақлаш, қўлларни мунтазам равишда ювиб туриш, антисептик воситалардан фойдаланишни унутманг!



Сазагонда бўлганмисиз?

Ёки тоғолди қишлоғидан кичик лавҳа

Нуробод туманидаги шундай манзил ҳақида нафақат вилоятимизда, балки бутун республикамизда эшитмаган одам бўлмаса керак. Негаки, пурвиқор тоғлар бағрида жойлашган бу қишлоқ узоқ йиллик тарихга эга. Шунга монанд ўзининг ривожланиш йўлига ҳам. Албатта, бошқа жойларда бўлгани каби бу ерда ҳам муаммолар йўқ эмас. Аммо ...

ТОШ ДАВРИДАН ҚОЛГАН МАКОН

Қишлоқ тарихи билан қизиқиб кўрсангиз у ўлкамиздаги энг қадимий манзиллардан бири эканлигига гаваҳ бўласиз. Бир гуруҳ олимларнинг фикрича, Сазагон маданияти Марказий Осиё неолит маданияти тизимида мустақил маданият ҳисобланади.

Қишлоқдан 1964 йилда Мавлон Жўрақулов бошлиқ археолог олимлар томонидан неолит даври ёдгорлиги топилган. Ҳозирги кунга қадар давом этаётган тадқиқотлар натижасида бу макондан тоғли жамоаларга хос кўплаб тош қуроллар топиб ўрганилган.

Ушбу маданиятни ўрганиш натижасида Зарафшон воҳаси тоғолди минтақаларида яшаган неолит жамоаларининг турмуш тарзи, маънавий дунёси, ҳўжалиги, мада-

ний алоқалари масалалари бўйича кўплаб маълумотлар тўпланган. Хусусан, Сазагон маконидан топилган ёрғучоқ, қадаматош (ўроқ) тиглари зироатчиликдан, қўй, эчки суякларига эса чорвачиликдан далолат беради. Аммо топилмаларнинг умумий таҳлили бу жамоаларнинг асосий ҳўжалиги овчилик ва теримчилик бўлганлигини кўрсатади.

Қайд этиш лозимки, Сазагон археологик ёдгорликларида олиб борилган қазилмалар чоғида топилган археологик ашёлар, жумладан, тош қуроллар - тош ўзаклари, қирғич, кескич, тешигич ҳамда сополлар Самарқанд давлат музей-қўриқонасининг «Ўзбекистон дунё маданиятлари чорраҳасида» экспозициясига киритилган.

2-саҳифа >>>

ВИЛОЯТИМИЗДА БИРИНЧИ ЧОРАҚДА ҚАНЧА САРМОЯ ЖАЛБ ЭТИЛДИ?

Вилоятимизга 2021 йилнинг биринчи чорақида умумий қиймати **832,1 миллиард сўмлик** инвестиция киритилиши ҳисобига **248 та** лойиҳа амалга оширилди ва **1808 та** иш ўрни яратилди. Жумладан, саноатда **282,5 миллиард сўмлик 55 та**, хизматлар кўрсатиш ва сервис соҳасида **385,9 миллиард сўмлик 114 та**, қишлоқ ҳўжалигида **163,6 миллиард сўмлик 79 та** лойиҳа бажарилди.



Мисол учун, Самарқанд шаҳрида "Family Park" масъулияти чекланган жамияти томонидан умумий қиймати **57,5 миллиард сўмлик** замонавий савдо комплекси, муз саройи ва кўнгилочар маскан ташкил қилиш орқали **76 та** янги иш ўрни яратилди.



Каттакўрғон туманида эса "SAMARQAND QULUPNAY INPEX" масъулияти чекланган жамияти томонидан умумий қиймати **7,2 миллиард сўм** бўлган қулупнайчилик ҳўжалиги ташкил этилди ва бу ерда **35 киши** доимий иш билан таъминланди.

Вилоят инвестиция ва ташқи савдо бошқармаси ахборот хизмати.



ЁКИ ТОҒОЛДИ ҚИШЛОҒИДАН КИЧИК ЛАВҶА

(Давоми. Бошланиши 1-саҳифада).

► ҚЎШИМЧА ДАРОМАД ҚАНДАЙ ОЛИНАДИ?
Худудда «Бир маҳалла – бир маҳсулот» тамойили бўйича тизимли ишлар амалга оширилмоқда.
Хусусан, «Сазагон» маҳалласини паррандачиликка ихтисослаштириш бўйича чора-тадбирлар режалаштирилган. Утган йили маҳалла аҳолисига «Navobod naslli panganda» МЧЖ томонидан етиштирилган 10 мингдан зиёд бройлер жўжа тарқатилган. Натижада 50 га яқин хонадон паррандачилик билан доимий шугулланиш имконига эга бўлган. Маҳалла аҳолининг айтишича, 30-35 кунда тайёр бўлган маҳсулотни корхонанинг ўзи харид қилгани гуштни сотиш муаммосига ўрин қолдирмаган.
- Бу йил худудда асарличилик бўйича ана шундай тизимни йўлга қўйиш режалаштирилган, - дейди «Агробанк» туман филиалидан маҳаллага бириктирилган вакил Абдулла Ҳамидов. - Бу орқали яна 50 та оила қўшимча даромад олиши мумкин бўлади. Бундан ташқари, қишлоқдаги тикувчилик цехида 10 дан ортиқ хотин-қиз доимий иш билан таъминланган.
Одамлар азалдан чорва билан шугулланиб келгани учун бугун ҳам бу ишга қизиқиш кучли. Шу боис, интилиши ва шароити бор хонадонларга майда шохли зотдор қорамол олиб бериш чоралари кўрилмоқда. Биргина жорий йилнинг ўтган даврида «Ёшлар дафтари»да рўйхатга олинган 3 нафар йигитга 29 миллион сўмдан кредит ажратилди. Таъминоти қорхона уларга ҳадемай кўзилайдиган 10-11 та қўй келтириб берди.

► КАМБАҒАЛЛАР ЙЎҚ ҚИШЛОҚ
- Худуддан «ёзувчи» чиқмаган, - дейди биз билан суҳбатда Сазагон маҳалла фуқаролар йиғини раиси Ҳаво Ярамонова. - Неғаллигини биласиз? Чунки бизда бекорчи, «олма пиш, озғимча туш», дейдиган одам йўқ. Масалан, маҳалламизда 1016 та оила бўлса, 718 та хўжалик рўйхатга олинган. Қайсидир оила ота уйда, бошқаси ака-ука бир ховлида бўлишига қарамай, менга уй-жой бер, дейдиганлар йўқ. Чунки ер бор, имконига қараб бу йил, бўлмаса кейинги йил ховли қилиб олади.
Тўғри, «Аёллар дафтари» ва «Ёшлар дафтари» юритганмиз. Унга киритилганлар имкон қадар қўллаб-қувватланмоқда. Масалан, «Аёллар дафтари»да 30 киши рўйхатга

олинган. Шу пайтгача доимий даромадга эга бўлган 8 кишини рўйхатдан чиқардик. «Ёшлар дафтари»даги 45 нафар йигитлардан 6 нафарининг бандлиги таъминланди.
Бунда бизга биринчи навбатда худуднинг қулай географик жойлашуви муҳим омил бўлмоқда. Негаки, 10-15 километр масофадаги «Ургут» эркин иқтисодий зонасидаги корхоналарда 100 га яқин аёлларимиз иш билан таъминланган. Тонгда икки-уч автобус олиб кетиб, кечки пайт келтириб қўяди.
Бундан ташқари, ўзимиз ҳам қараб турганимиз йўқ. 1-сектор масууллари ва бошқа мутасаддилар кўмағида томорқа хўжалигини ривожлантириш учун субсидия асосида иссиқхона қуриб берилган, қишлоқ хўжалиги техникалари, аёллар учун пишириқ ва тикув ускуналари ажратилган. Шу орқали тез кунларда «дафтар»ларда рўйхатимизни туғатишни режалаштирганмиз.
Мақтангиш бўлса-да, айтиш керак: маҳалламизда табиқорликнинг ҳар бир туридан бор. Оддий мисол, қишлоғимизда дорихонадан тортиб, ўнлаб ҳаммомгача бор.

► МУАММО ЙЎҚ, ДЕСАМ ЁЛҒОН БЎЛАР...
Наҳотки, худудда муаммо бўлмаса, деган саволимизга маҳалла раиси шундай деб жавоб берди.
- Худуддаги сиймоғочлар маънан эскирган. Улар бошқача-бошқача темир-бетон устунларга қилинган асфальт кўча бугун таъмирталаб ҳолга келганига гувоҳ бўлди. Қолаверса, раис нолимаган бўлса-да, «Аёллар дафтари»да қўли калта, камига ногиронлиги бор икки фуқаронинг уй-жойини таъмирлашга ёрдам зарур.
Дарвоқе, қишлоқ ўртасидан Уртабел домини ёнидаги булоқдан бошланувчи Сазагонсойи оқиб ўтган. Унинг ажиб манзараси ҳар қандай сайёҳни бефарқ қолдирмайди. Гап фақат уни тарғиб қилиш, меҳмонларга хизмат кўрсатиш инфратузилмасини яратишда.
Уйлаймизки, мутасаддилар бу жиҳатларга эътибор қаратишади.

Ё.МАРҚАЕВ.

ОТМГА КИРИШ ИМТИЁЗИ

ЖАМИЯТНИ ТАБАҚАЛАРГА АЖРАТИБ, ТАЪЛИМ СИФАТИНИ ПАСАЙТИРИБ ЮБОРАДИ

«Барча инсонлар қонун олдида тенгдир ва ҳеч бир тафовутсиз қонун билан тенг ҳимоя қилиниши ҳуқуқига эгадирлар», дейилади Инсон ҳуқуқлари умумжаҳон декларациясида. Республикаимизнинг Асосий қонунини ҳам ҳар ким билим олиш ҳуқуқига эгалиги мустақамлаб қўйилган. Давлатимиз албатта, бу борада кўп тадбирларни амалга оширмоқда, янги мактаблар, олий таълим муассасалари, чет давлатларнинг нуфузли олий ўқув юртлари филиаллари очилмоқда. Бу жараёнда жамоатчиликнинг диққатини қаратмоқчи бўлганимиз – бу талабалikka қабул босқичидаги тобора илдиз отаётган имтиёзлар масаласидир.

«Имтиёз – қонуннинг ашаддий душмандир», деган эди австриялик адиба Эберн Эшенбах (1837-1898). Бу жуда тўғри, ўз ўрнида айтилган фикр. Ўзбек тилининг изоҳли луғатида «Имтиёз»га ортинча ҳуқуқ, энгиллик, тафовут, фарқлаш, деб таъриф берилган. Юридик энциклопедияларда ҳам имтиёз – афзалликлар бериш, умумий қоидалар, мажбуриятларни бажаришдан қисман озод қилиш, деб ўрта асрларда табақаларга бериладиган тегишли имтиёзларнинг жуда ривожланганлиги кўрсатилган.

Имтиёз икки учли таёққа ўхшайди. Чунки таёқнинг бир томониға қував берилса, иккинчи томони заифлашиши мумкин. Балки шундай имтиёзларнинг бўлиши ёмон эмасдир. Улар орқали жамиятимизнинг маълум қисми қўллаб-қувватланиб, рағбатлантирилиб турилар, пандемия шароитида бу тўғридир. Аммо олий таълим қабули тизимида имтиёзларнинг мавжуд бўлиши, жамиятни табақаларга ажратиб, таълим сифатини пасайтириб, олий таълим обрўсини тушириб юбормайди?
Маълумки, ОТМларга қабул жараёнида дастлаб 16 имтиёз, «Темир дафтар»га киритиладиган оилалар фарзандларига ҳам жорий этилса 17 имтиёз, иқтисодий кам таъминланган оилаларнинг болалари эса 18 имтиёз, яъни орттирилган контракт, етишмаган билимини пул билан тўлдириш имтиёзлари (аслида буни ўзига хос «жарима» деб ҳам аташ мумкин) бор. Давлатимизнинг ўзи олий таълим тизимини энг коррупциялашган соҳалардан бири эканлигини таъкидлаб, унга қарши курашиб турганида, бундай имтиёزلарни жамиятнинг бир қисм аъзоларига ёйилиши фикримизча, бир қанча салбий оқибатларга олиб келиши ҳам мумкин.

Биринчидан, етуқ мутахассислар тайёрлаш ишига путур этиди.
Иккинчидан, бу мамлакатимизда барча фуқароларнинг конституциявий ҳуқуқ ва имкониятларда тенглиги борадидеги қонун-қоидаларга зид. Чунки имтиёзлар қонуности ақллари билан таъсир этилиб, жамият аъзоларининг бир қисмигагина тегишли бўлмоқда.
Учинчидан, имтиёзга тушмаган фуқароларнинг ҳуқуқлари бузилишига сабаб бўлиб, улар ўзларини имконсиз, камситилгандек ҳис қилишлари туфайли ғайриқонуний йўللари ҳам ахтаришлари мумкин. Афсуски, бундай ҳолатлар ҳам юз бериб турибди.
Тўртинчидан, талабалikka танлов йўли билан қабул қилиш, эркин рақобат муҳитини йўққа чиқаради.
Бешинчидан, имтиёз бериш мумкин бўлган жараёнларда ҳам турли ҳуқуқий бузилишлар, унга лойиқлар қилиб, лойиқ бўлмаганлар ҳам сазовор бўлишларидан жамоатчиликнинг хабари бор.
Ёки ҳарбий қисмлардан бериладиган тавсияномаларни олинг. Конституцияимизнинг 52-моддасида «Фуқаролар белгиланган тартибда ҳарбий ёки муқобил хизматни ўташга мажбурдирлар», деб Ўзбекистон Республи-

касини ҳимоя қилиш мустақамлаб қўйилган. Тавсияномаларнинг салбий оқибатларга олиб келаяётганлиги ҳам оз эмас.
Узоққа бормасдан, 2020-2021 йил қабулига мурожаат қилмас. Ҳарбий қисм тавсияси билан ўқишга кирувчилар ҳатто, хизмат қилмаганлар «хизмат қилган», деб тавсиянома олган бўлса, бугеёғ нима дейсиз?
Бу борада илгаригидек «балл имтиёзи» бермайдиган хизмат тавсияномаси бериш, ўқишга кирганга эса иқтисодий имтиёзлар берилиши тарафдоримиз. Юқоридегилардан ташқари, олий таълим тизимида ярим асрдан ошуқ тажрибамиз шуни кўрсатмоқдаки, турли имтиёзлар орқали ОТМга қабул қилинган талабалар аксарият ҳолларда уни оқлай олмай ўқишга қийналади. Масалан, 2017-2018 ўқув йилида ҳарбий қисм тавсияномасини олиб, 286,2 балл тўплаган талаба Н. «Маънавият ва



ҳуқуқ» ихтисослигига ўқишга кирган бўлса-да, биринчи курс фанларини бир ярим йил мобайнида қардор бўлиб, базўр топширган.
Шундай имтиёزلардан яна бири чўл туманларда 3 йил яшаса, бериладиган имтиёзлардир. Агар шу тартибда фикримизни давом эттирсак, узоқ қишлоқлар, тоғ, тоғолди, чекка жойлардаги «томидан қамиш осилиб турган» мактабларни битирган, пахта монополиясидан, табиий офатлардан зарар кўрган туманларда ўқиган ўқишга кирувчиларга ҳам имтиёзлар берилса, адолатдан бўлмайдими?
ЮНИСЕФ маълумотларига қараганда, Ўзбекистонда шахар худудидеги яшовчиларнинг қишлоқдагиларга қараганда олий таълим олиш кўрсаткичи 2 баравар юқори.
Мана, энди яна бир имтиёз жорий этилмоқда: 6 йил мобайнидаги етуқлик аттестатига қўйилган баҳолар ҳисобга олинар экан. Шунга яқин бир имтиёз собиқ шўролар даврида жорий қилиниб, кейинчалик бекор қилинган эди. Бу мактабларда билим бериш «беш олиш» пойга-марафонини туғдирмайдими? Агар ўқишга кирувчининг гувоҳномасидаги баҳолари ҳақиқий бўлса, у тестдан юқори баллни ўзи ҳам олиб чиқishi мумкинми?
Отиси ҳарбий бўлмаган, божхона ёки ички ишларда ишламаган чўл туманларидеги Сўхда

Юқоридегиларга асосланиб, олий таълим тизимидаги эллик йиллик ўқитувчилик тажрибаларига суянган ҳолда, асосан ўқишга кирувчилар учун қўйиладиган имтиёзлар бериш билан чегараланиш лозим, деб ҳисоблаймиз:
- ОТМга ўқишга кириш учун балл ва иқтисодий имтиёзлар I, II гуруҳ ногиронларига;
- ота-оналари жамият, халқ, давлат манфаатларини ҳимоя қилиш, фавуқлода ҳолатлар, табиий офатлардан зарар кўрган туманларда бўлган қишлоқларнинг фарзандларига давлат гранти имтиёзи берилиши.
Рим ҳуқуқидеги шундай қоида бор «Ёлгон ҳуқуқлар кўп бўлиши мумкин. Аммо ҳақиқат битта». Бу ўриндаги ҳақиқат ўз билимининг исбот қилишидир. Ана шундай иқтидорли, имтиёз олиши назарда тутилган ёшларимизнинг иқтисодий жиҳатдангина (шартнома, стипендия масалаларида) қўллаб-қувватлаш мақсадида нувофик.
Олий таълим олиш учун тайёрланиб, ҳаракат қилган киши албатта, ўз мақсадига эришади. Бунинг учун ўзгаларнинг ҳуқуқини бузиши шарт эмас, ОТМга қабул жараёнидаги имтиёзларнинг кўпи асосий қонунимиз ва мавжуд жорий қонунларга зид.
Зиёдулла МУҚИМОВ, профессор, олий таълим фахрийси.

Булунғурлик мактаб директорини КИМ ҲИМОЯ ҚИЛАДИ?

Таҳририятимизга Булунғур туманидаги 10-умумий ўрта таълим мактаби директори Ғайратжон Қорабеков мурожаат қилди. Мурожаатки, бошқаларга ўхшамайди. Уни эшитиб, кулишни ҳам, куйишни ҳам билмаймиз. Халқ таълими тизимида шунча ислохотлар, ўзгаришлар бўлаётган бир пайтда бундай ҳолат юзга келганига ишонгингиз келмайди-да...

- Булунғур тумани халқ таълими бўлимига қарашли 11-умумий ўрта таълим мактаби директорининг маънавий-маърифий ишлари бўйича ўринбосари вазифасида ишлардим, - дейди Ғайратжон Қорабеков. - Жамоамиз аҳил, ҳаммамиз зиммасидеги вазифани виждонан бажаришга одатланганмиз. Ўқитувчи ва ўқувчилар, ота-оналар ўртасидаги муносабат ҳам яхши, маънавий муҳит соғлом эди. Шунинг учун ҳам мактабимиз туманимиздаги мактаблар рейтингига юқори ўринларда турарди, битирувчиларимизнинг олий таълим муассасаларига ўқишга кириш кўрсаткичи юқори эди. Ҳозирги

ибора билан айтганда, «яшил» тоифадаги мактаб.
Шу йилнинг январь ойида Халқ таълими вазири Ш.Шерматов мактабимизга келиб, таълим жараёнлари билан танишиди, биз билан, ўқувчилар билан суҳбатлашди. Шу учрашувда вазириимиз директор ўринбосарларини тумандаги «қизил» тоифадаги мактабларга раҳбарликка қўйиб, уларга ҳам таълим сифатини ошириш бўйича тавсиялар берганди...
Шундан кейин, 2 февраль куни Ғайратжон Қорабековни тумандаги «қизил» тоифада бўлган 10-умумий ўрта таълим мактаби директори вазифасини бажа-

«... Мутасаддилар нима дейди? ...»

Янги иш жойимда ўқувчиларни билм олишга қизиқтираман, деб директор стипендиясини ташкил қилиб, аълочи ўқувчиларни ўз ҳисобимдан рағбатлантиришни бошлагандим. «Директор ва битирувчи куни»ни ташкил қилиб, натижа кўрсатишга интиляётгандим. Жамоадаги маънавий муҳитни соғломлаштиришга эришялман, деб кучимга куч, ғайратимга ғайрат қўшилаётганди. Энди тасаввур қилинг, бу қоғоз менга қандай таъсир қилганини. Мен ўша пулни тайинлаб, ўзлаштириб юборган бўлсамки, шунча жарима қўллашса. Буни билмаганмен мени айбимдир, лекин ҳар қандай ҳолатда ҳам аввал оғохлатириш, тушунтириш мумкин-ку... Ўқитувчиға, халқ таълимига эътибор, ҳурмат шуми? Шунча гаплар, шунча ислохотлар натижаси қани? Ғайратжоннинг куйингачиға бор. Тўғри, қонун нуқтаи назаридан, унинг ҳаракатида қоидабузарликми, ҳуқуқбузарлики бордир. Лекин буни у билмаган-ку?! Билиб туриб шу ишни қилган, ўзи айтгандек ўша компенсацияни ўзлаштириб юборганда ҳам ҳар қандай жазо қўлланса адолатдан бўлармиди? Энди масаланинг маънавий томонига эътибор қаратайлик. У мактабга раҳбар

рувачи этиб тайинлашади. Бу мактаб унинг яшаш жойидан олисда (айтишича, 20 километр масофада), ҳар куни қатнаб ишласи керак бўлса-да, зиммасига катта масъулият юклангани, ишонч билдирилгани учун қийинчиликларини енгиб, бу вазифани астойдил бажаришга ҳаракат қилади.
- Раҳбар сифатида, аввало, ўқитувчи ва ўқувчилар билан яқиндан танишим, таълим жараёнларини кузатдим, - дея сўзида давом этади Ғ.Қорабеков. - Ўқувчилардан бири уйда таълим олишга муҳтожлигини аниқлаб, 11 февраль куни буни қонуний расмийлаштириб, ўқитувчилар тайинладим. Шу йилнинг 10 март куни туман адлия бўлимига қақчириб, «Якка тартибдаги ўқувчини ўқитаётган ўқитувчиларга йўл ҳақи компенсацияси тўламабсиз», деб мендан тушунтириш хати олишди. Тўғриси, бундай тартиб борлигини билмасдим. Буни адлия ходимларига ҳам айтдим. Ўзимча ҳали

раҳбарликнинг кўп томонларини билиб олишим керак экан, деб қўйдим. Шу билан ўз ишларим билан юрaverдим.
7 апрель куни туман бандликка кўмаклашиш маркази ходимлари давлат меҳнат инспекцияси томонидан маъмурий жавобгарликка тортилган билан 1 миллион 225 минг сўм жарима тўлашим ҳақидаги қарорни беришди. Қоғозни кўриб, хангу манг бўлиб қолдим. Менинг айбим нима - ўз иссиқ жойимни совутиб, зиммамга катта масъулиятни олиб, раҳбарлик қилаётганими? Ҳам хизмат, ҳам тухматми?

Энди айтинг-чи, билдирилган ишонччи оқлаш учун ҳар қандай гап-сўз, қийинчиликларни енгиб, ҳалол-поқ ишлаб келаятган бир муаллимга, директорга адолатданми?

Фалон давлатда ўқитувчининг обрўси бундай экан, фалон давлатда бунча маш оларкан, фалон давлатнинг шу даражада эришувда энг катта хизмат қилганлар ўқитувчилар, деган гапларни кўп айтамыз. Биз-чи, биз нима қиляпимиз?
Ғ.ҲАСАНОВ.

Шу йилнинг 22 январь куни Самарқанд давлат университетида Ўзбекистон талабалар ассоциацияси ташкил этилди.

Ўтган давр мобайнида ассоциация республикамиздаги 75 та олий таълим муассасасида таълим олаётган 3000 нафарга яқин талабани қамраб олди. Онлайн платформа орқали аъзоликка қабул қилиш давом этмоқда. Ассоциацияга доир тарғиботлар ўзбек, рус, инглиз, француз тилларида видеороликлар тайёрлаб, талабаларга тақдим этилди. Уларнинг фикри ўрганилмоқда. ZOOM платформаси орқали республика

Талабалар ассоциацияси ёшларни бирлаштирмоқда

олий таълим муассасалари талаба-ёшлари ўртасида тақлиф ва мулоҳазалар ўрганилди. Шунингдек, олий ўқув юртлирида ассоциация вакиллари сайланди. Республикамиз ва хориж олий ўқув юртлирида тахсил олаётган талабалар ўртасида халқаро илмий-амалий конференция ташкил қилиниб, фаол иштирок этган талаба-ёшларга ассоциациянинг махсус сертификатлари топширилди.

Ўзбекистон ёшларини, уларнинг дадил ташаббусини чин юракдан қўллаб-қувватлайман, - дейди Голландиядаги Лейдин университети магистранти Кае Мария Александра. - Талаба-ёшларнинг ҳақ-ҳуқуқларини ҳимоя қилиш, ўзаро бирдамликка эришиш жуда муҳим масала. Бу ассоциация тез орада Ўзбекистон ёшларини бирлаштиришга хизмат қиладиган тузилмага айланади. Самарқандлик ёшлар ташаббуси, Прези-



дентимиз эътибор ва ғамхўрлиги билан дунёга келган мазкур тузилманинг асосий мақсади - бир олий ўқув юрти билан иккинчи бир олий ўқув юрти талабалари ўртасида алоқа ўрнатиш, ёшларнинг чет мамлакатларда таълим олишини таъминлаш, умуман, уларни ҳар жиҳатдан қўллаб-қувватлашдир.

Аллаёр НОРБОВЕВ, ассоциация аъзоси.

«Хотира»

Сайқали рўйи замин – Самарқандда таваллуд топиб, унинг бағрида улғайиб, ҳалол меҳнати ордин ибратли умр кечирганлар эл хотирасидан ўчмайди. Ана шундай инсонлардан бири қадрдон дўстимиз Мансур Жабборовдир.

Юртга хизматда ибрат эди



М.Жабборов 1940 йил 14 апрелда Самарқанд шаҳрининг қадимий Чорраха маҳалласида туғилган. Унинг болалиги, улғайиб зиёли инсон бўлиб вояга етиши она шаҳрининг ана шу гўзал гўшасида кечди. У қадимий шаҳарни сева, унинг умрбоқий обидалари, ўтмиш

тарихи билан қизиқарди. Шу боис 1957 йилда маҳалладаги 10-ўрта мактабни битиргач, Самарқанд давлат университетининг тарих факультетига ўқишга кирди. Университетни тугатиб, ташкилотчилиги, ташаббускорлиги, топширилган ишга масъулият билан ёндашиши боис нуфузли лавозимларда ишлашга тавсия этилди.

У қатор йиллар шаҳар, вилоят ижроия кўмитасида раис ёрданчиси, вилоят партия кўмитаси фан ва илмий ишлар бўлими мудири, ҳозирги маънавият ва маърифат бўлими етакчи мутахассиси, вилоят ёдгорликларни қўриқлаш бошқармаси бошлиги лавозимларида меҳнат қилиб, вилоятнинг ижтимоий, маънавий, маданий тараққиётига ўз хиссасини қўшди.

М.Жабборов қайси ташкилотда ишлагани ўзининг фидойилиги, меҳнатсеварлиги ва очиққўнғиллиги билан жамоада ҳурмат-эътиборга сазовор бўлди. У меҳрибон дўст, оилапарвар инсон эди. Ҳузурга юмуш билан келадиган фуқаролардан кўмагини аямас, маҳалладаги жамоат ишларида фаол иштирок этар, ўзининг ғайрати, шижоати билан барчага ибрат кўрсатарди.

У умр йўлдоши Муқаддасхон Жабборов билан маҳаллада намунали оила сифатида тилга тушди, 3 нафар фарзандни тарбиялаб, барчасини олий маълумотли мутахассис қилди.

Дилкаш ва самимий инсон Мансур Жабборов ўтган йили оламдан ўтди. Унинг ибратли умри, хайрли ишлари эл-юртга хизмат қилиш намунаси бўлиб, қалбимизда яшайди.

БИР ГУРУҲ ДЎСТЛАРИ.

СамДУга хориждан профессорлар келган

Самарқанд давлат университетининг олий таълим муассасалари билан ҳамкорлиги самарасида Ҳиндистон технология институтининг профессори Малла Правин Бҳаса университет Инсон ресурсларини бошқариш факультетидики Иқтисодий йўналишидаги бакалавр ва магистрлар учун "Глобал иқтисодий ривожланиш" фанидан маҳорат дарслари ўтмоқда.



Профессор Малла бизга Канададаги меҳнат фаолияти, Финландиядаги илмий тадқиқот ишлари, Ҳиндистоннинг камбағаллик муаммосини ҳал этиши, 30 йил ичида озиқ-овқат маҳсулотларини импортчида экспорт қилувчи давлатга айланиши мавзуларида маърузалар ўқиди.

Факультетимизда масофавий таълим ҳам амалга оширилмоқда. Хусусан, Россиянинг Томск, Тамбов, Қозон университетларининг етакчи-профессор ўқитувчилари билан ҳамкорликда илмий тадқиқот ишлари олиб борилмоқда.

Дилдора ХАЙРУЛЛАЕВА, Феруз МИРМАДИЕВ, СамДУ талабалари.



Каттақўрғон тиббиёт коллежи Абу Али ибн Сино номидаги жамоат саломатлиги техникумига айлантирилган бўлиб, унда мамлакатимизнинг турли вилоятларидан келган 600 нафар талаба тахсил олади. Талабалар ҳамширалик иши, стоматология, фельдшер-акушерлик, фармацевтика, тиббий профилактика ҳамда фельдшер-лаборант йўналишларида ўқийди. 23 турдаги тўғарак олиш боради.

Талабалар орасида тиббиёт илмини ўрганиш баробарида спорт билан ҳам жиддий шугулланаётганлари кўп, - дейди таълим муассасаси раҳбари Эркин Нурназаров. - Мафтунна Асророва, Муҳсина Йўлдошева, Шаҳноза Жабборова, Достон Аброуев, Интизор Мирзаевалар спортнинг волейбол, каратэ, армрестлинг каби турлари бўйича вилоят, республика ва Марказий Осиё чемпионларидир. Шунингдек, бу ердаги маҳоратли педагоглар Назоқат Худойбердиева, Хадича Умарова, Жамила Шарарова, Насиба Рўзиевалар давлатимизнинг нуфузли мукофотлари билан тақдирланган.

Тоҳир НОРҚУЛОВ.

Суратда: ҳамширалик иши йўналиши бўйича машғулотлар жараёни тасвирланган.

«ЁШЛАР дафтари»дагилар тадбиркорлик борасида билимга эга бўлишди

Иқтисодий тараққиёт ва камбағалликни қисқартириш вазирлиги ҳузуридаги Бизнес ва тадбиркорлик олий мактаби Самарқанд филиалида «Ёшлар ва хотин-қизларда тадбиркорлик кўникмаларини шакллантириш» мавзусида ўқув-семинар бўлиб ўтди.

Асосан «Ёшлар дафтари»да рўйхатга олинган ёшлар қатнашган семинарда бизнес-режа қандай тузилади, бошловчи тадбиркорлар учун SWOT таҳлили қай даражада аҳамиятли каби саволларга маҳоратли бизнес-тренерлар томонидан жавоб берилди. Иштирокчилар 10 кун давом этган курсда тадбиркорлик борасидаги билим ва кўникмаларга эга бўлишди.

К.МАЪРУПОВ. Бизнес ва тадбиркорлик олий мактаби бош мутахассиси.

REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUROJAAT UCHUN TELEFON: 66-233-91-56

Қутлаймиз!
Ҳурматли дўстим Зумрад Ҳусайнова
Сизни қутлуғ 70 ёшингиз билан табриклайман!

З.Ҳусайнова ўрта мактабни битириб олий маълумотли бўлгач, маиший хизмат кўрсатиш соҳасида узоқ йиллар самарали меҳнат қилди. Ходимликдан раҳбарликкача бўлган машаққатли йўлни босиб ўтди. Иш жараёнида барчага бир хил муомалада бўлиб, қўлидан келган ёрдани ҳеч қимдан аямасди. 19 январда вафот этган) тегишли мол-мулк учун мерос иши очилмоқда. Шу муносабат билан меросхўрларнинг Бахрамова Феруза Заировна нотариал идорасига мурожаат этишларини сўраймиз.

Манзил: Самарқанд шаҳри Амир Темур кўчаси, 108-уй.

Мўмина ГУЛЯМОВА, Самарқанд шахри.

ДАЪВОЛАР БЎЛСА

Самарқанд шахрида хусусий амалиёт билан шугулланувчи нотариус Алиева Лола Заировна нотариал идорасида марҳум Мухтаров Азимга (2000 йил 14 декабрда вафот этган) тегишли мол-мулк учун мерос иши очилмоқда. Шу муносабат билан меросхўрларнинг Жўраев Камолдин Мухиддинович нотариал идорасига мурожаат этишларини сўраймиз.

Манзил: Самарқанд шаҳри Ўзбекистон кўчаси, 35-уй.

Самарқанд шахрида хусусий амалиёт билан шугулланувчи нотариус Алиева Лола Заировна нотариал идорасида марҳум Мухтаров Азимга (2000 йил 14 декабрда вафот этган) тегишли мол-мулк учун мерос иши очилмоқда. Шу муносабат билан меросхўрларнинг Жўраев Камолдин Мухиддинович нотариал идорасига мурожаат этишларини сўраймиз.

Манзил: Самарқанд шаҳри Мирзо Улуғбек кўчаси, 80-уй.

Самарқанд шахрида хусусий амалиёт билан шугулланувчи нотариус

Бахрамова Феруза Заировна нотариал идорасида марҳум Исмаилов Акбарали Аскарчиёв (2020 йил 6 июнда вафот этган) тегишли мол-мулк учун мерос иши очилмоқда. Шу муносабат билан меросхўрларнинг Бахрамова Феруза Заировна нотариал идорасига мурожаат этишларини сўраймиз.

Манзил: Самарқанд шаҳри Амир Темур кўчаси, 108-уй.

Самарқанд шахрида хусусий амалиёт билан шугулланувчи нотариус Умаров Акмалжон Шавкатович нотариал идорасида марҳум Саидов Махмуджон Меликовичга (2020 йил 14 октябрда вафот этган) тегишли мол-мулк учун мерос иши очилмоқда. Шу муносабат билан меросхўрларнинг Умаров Акмалжон Шавкатович нотариал идорасига мурожаат этишларини сўраймиз.

Манзил: Самарқанд шаҳри Амир Темур кўчаси, 52-уй.

Жомбой туманида хусусий амалиёт билан шугулланувчи нотариус Маматқулов Отабек Болбекович нотариал идорасида марҳум Саидов Уринбайга (2020 йил 9 декабрда ва-

фот этган) тегишли мол-мулк учун мерос иши очилмоқда. Шу муносабат билан меросхўрларнинг Маматқулов Отабек Болбекович нотариал идорасига мурожаат этишларини сўраймиз.

Манзил: Жомбой тумани Сарой кўчаси, 15-уй.

Самарқанд шахрида хусусий амалиёт билан шугулланувчи нотариус Исмоилова Шахло Бахриловна нотариал идорасида марҳум Абдуллаева Зибиға (2018 йил 19 январда вафот этган) тегишли мол-мулк учун мерос иши очилмоқда. Шу муносабат билан меросхўрларнинг Исмоилова Шахло Бахриловна нотариал идорасига мурожаат этишларини сўраймиз.

Манзил: Самарқанд шаҳри Абдураҳмон Жомий кўчаси, 17-уй.

Ургут туманида хусусий амалиёт билан шугулланувчи нотариус Хошимов Ғолиб Бахтиёрович нотариал идорасида марҳум Меҳмонқулова Муқаддамга (2007 йил 4 январда вафот этган) тегишли мол-мулк учун мерос иши очилган. Шу муносабат билан меросхўрларнинг Хошимов Ғолиб Бахтиёрович нотариал идорасига мурожаат этишларини сўраймиз.

Манзил: Ургут шаҳарчаси Навоий шоҳкўчаси.

Самарқанд шахрида хусусий амалиёт билан шугулланувчи нотариус Алиева Лола Заировна нотариал идорасида марҳум Мухитдинов Саидга (2015 йил 14 майда вафот этган) тегишли мол-мулк учун мерос иши очилмоқда. Шу муносабат билан меросхўрларнинг Алиева Лола Заировна нотариал идорасига мурожаат этишларини сўраймиз.

Манзил: Самарқанд шаҳри Мирзо Улуғбек кўчаси, 80-уй.

БЕКОР ҚИЛИНАДИ

Самарқанд вилоят ер тузиш ва кўчмас мулк кадастри давлат қорхонасининг Ургут туман филиалидан Меҳмонқулова Муқаддамга (марҳума) қарашли Ургут тумани Урамас маҳалласи, 54-уй учун 2019 йилда берилган кадастр ҳужжатлари тўплами йўқолганлиги сабабли бекор қилинади.

Самарқанд шахридаги 7-ўрта мактабдан 1989 йилда Джабарова Феруза Эргашевна номига берилган Б № 251939 рақамли тўлиқсиз ўрта маълумот тўғрисидаги гувоҳнома йўқолганлиги сабабли бекор қилинади.

Самарқанд шахридаги 7-ўрта мактабдан 1993 йилда Маликова Дилфуза Собировна номига берилган А № 248590 рақамли тўлиқсиз ўрта маълумот тўғрисидаги гувоҳнома йўқолганлиги сабабли бекор қилинади.

Самарқанд вилоят ер тузиш ва кўчмас мулк кадастри давлат қорхонасининг Самарқанд туман филиалидан Абдухамидов Комилжон Икромовичга қарашли Самарқанд тумани Зарафшон маҳалласида жойлашган 17-сонли уй-жой (коттедж) учун 2019 йилда берилган кадастр ҳужжатлари тўплами йўқолганлиги сабабли бекор қилинади.

Жомбой қишлоқ хўжалик касб-хунар коллежидан 2018 йилда Омонов Низомиддин Салим ўғли номига берилган А № 103, К № 5107711 рақамли диплом ва унинг иловаси йўқолганлиги сабабли бекор қилинади.

1-Самарқанд педагогика коллежидан 2011 йилда Давлатова Зилола Холмирзаевна номига берилган А № 149997 рақамли диплом ва унинг иловаси йўқолганлиги сабабли бекор қилинади.

Пайариқ туманидаги Катта Турк касб-хунар коллежидан 2018 йилда Уракбаева Лола Абдалими кизи номига

берилган К № 5125066 рақамли диплом ва унинг иловаси йўқолганлиги сабабли бекор қилинади.

Паст Дарғом агросаноат касб-хунар коллежидан 2013 йилда Абилов Даврон Норип ўғли номига берилган рўйхат рақами 248, К № 2955778 рақамли диплом ва унинг иловаси йўқолганлиги сабабли бекор қилинади.

Самарқанд вилоят юридик коллежидан 2019 йилда Дағоров Кувончбек Акбар ўғли номига берилган рўйхат рақами 155, К № 5570357 рақамли диплом ва унинг иловаси йўқолганлиги сабабли бекор қилинади.

Дўстлик тиббиёт билим юртидан 1992 йилда Норматова Саодат Исмаилова номига берилган СТ-1 № 450379 рақамли диплом йўқолганлиги сабабли бекор қилинади.

Самарқанд туманидаги 43-(ҳозирги Самарқанд шахридаги 67-) умумий ўрта таълим мактабидан 2004 йилда Абдуллоева Насиба Шарифовна номига берилган У № 1093556 рақамли умумий ўрта таълим тўғрисидаги шаходатнома йўқолганлиги сабабли бекор қилинади.

Самарқанд туманидаги 74-ўрта мактабдан (ҳозирги Тойлоқ туманидаги 25-умумий ўрта таълим мактабидан) 1994 йилда Махмудов Машраб Маруфович номига берилган А № 149997 рақамли ўрта таълим тўғрисидаги шаходатнома йўқолганлиги сабабли бекор қилинади.

Ургут туманидаги Эшмаматова Лола Хурсандовна яқка тартибдаги тадбиркорнинг (СТИР: 570776084) думалоқ муҳри ва бурчак тамғаси йўқолганлиги сабабли бекор қилинади.

Тойлоқ туманидаги 7-умумий ўрта таълим мактабидан 2020 йилда Фатиллов Жавлонбек Ботирбой ўғли номига

берилган УМ № 0538143 рақамли умумий ўрта таълим тўғрисидаги аттестат йўқолганлиги сабабли бекор қилинади.

Самарқанд шахридаги 52-ўрта мактабдан 1990 йилда Адиллов Раим Раҳманович номига берилган А № 183736 рақамли ўрта таълим тўғрисидаги шаходатнома йўқолганлиги сабабли бекор қилинади.

Нарпай туманидаги 24-умумий ўрта таълим ўрта мактабидан 2001 йилда Раҳимова (ҳозирда Абдуллаева) Латофат Исмоилова номига берилган О'Р-З № 0802562 рақамли таянч маълумот тўғрисидаги гувоҳнома йўқолганлиги сабабли бекор қилинади.

Нарпай туманидаги 64-умумий ўрта таълим ўрта мактабидан 2001 йилда Баҳридинаева (ҳозирда Джуракулова) Дилноза Хуррамовна номига берилган О'Р-З № 0800566 рақамли таянч маълумот тўғрисидаги гувоҳнома йўқолганлиги сабабли бекор қилинади.

Самарқанд иқтисодий ва сервис институти қошидаги академик лицейдан 2008 йилда Рузиева Лобархон Баҳодировна номига берилган рўйхат рақами 024, L № 044233 рақамли диплом ва унинг иловаси йўқолганлиги сабабли бекор қилинади.

Пайариқ туманидаги "CHICKEN GOLD WING" оилавий қорхонасининг (СТИР: 307180856) думалоқ муҳри ва бурчак тамғаси йўқолганлиги сабабли бекор қилинади.

Самарқанд давлат университети ректорати, физика факультети ва оптика кафедраси жамоалари физика факультети декани, доцент Аҳмад Абсанова акиси

Маҳмуд АБСАНОВнинг вафоти муносабати билан таъзия изҳор этади.

